

Član 33.

U slučaju da drugi zakoni i propisi koji sadrže odredbe o načinu izvršavanja Budžeta i obavezama korisnika budžetskih sredstava, koji su u suprotnosti sa ovim Zakonom, primjenjivat će se odredbe ovog Zakona.

V - KAZNENE ODREDBE**Član 34.**

Novčanom kaznom od 500,00 do 5.000,00 KM kaznit će se za prekršaj odgovorna lica korisnika Budžeta:

1. Ako sredstva Budžeta ne upotrebljava za one namjene za koje su sredstva utvrđena i ako preuzme obavezu iznad utvrđene u Budžetu.
2. Ako sredstva Budžeta ne upotrebljava u skladu sa svojim planovima.
3. Ako Ministarstvu finansija ne dostavi tromjesečne planove u propisanom roku.
4. Ako postupi suprotno članu 21. ovog Zakona
5. Ako postupi suprotno članu 23. ovog Zakona
6. Ako postupi suprotno članu 27. ovog Zakona
7. Ako postupi suprotno članu 30. ovog Zakona

Novčane kazne se naplaćuju u KM na račun Budžeta HNK.

VI - PRIJELAZNE I ZAVRŠNE ODREDBE**Član 35.**

Način izmirenja unutrašnjeg duga Hercegovačko-neretvanskog kantona kao i način izvršenja izvršnih Odluka suda ili drugog organa koji se odnose na unutrašnji dug Hercegovačko-neretvanskog kantona regulisat će se Zakonom i Programom koji će na prijedlog Vlade donijeti Skupština Hercegovačko-neretvanskog kantona.

Član 36.

Ovaj Zakon stupa na snagu danom objavljivanja u «Službenim novinama Hercegovačko-neretvanskog kantona», a primjenjivat će se na fiskalnu 2007. godinu.

Bosna i Hercegovina
 Federacija Bosne i Hercegovine
 Hercegovačko-neretvanski kanton
SKUPŠTINA

Broj: 02-01-III-053/07
 Mostar, 27. aprila 2007. godine

Po ovlaštenju Skupštine
 Predsjedavajući/zamjenik predsjedavajućeg
 Ljubo Zovko, dipl.iur. s.r.

52
ZAKON O VLADI
HERCEGOVAČKO-NERETVANSKOG
KANTONA
I. OSNOVNE ODREDBE**Član 1.**

Vlada Hercegovačko-neretvanskog kantona (u daljem tekstu: Vlada) je izvršni organ Hercegovačko-neretvanskog kantona (u daljem tekstu: Kanton), koja obavlja izvršnu vlast.

Član 2.

Predsjednik Vlade (u daljem tekstu: predsjednik), ministri i Vlada u cjelini za svoj rad odgovorni su Skupštini Kantona, a ministri su za svoj rad odgovorni i predsjedniku Vlade.

Član 3.

- (1) Vlada zastupa Kanton kao pravno lice, ako Ustavom Kantona i zakonom nije drugačije određeno.
- (2) Vlada upravlja imovinom u vlasništvu Kantona, ako zakonom nije drukčije određeno.
- (3) Pored nadležnosti utvrđenih Ustavom Kantona Vlada je nadležna za:
 - rješavanje po žalbama podnesenim protiv prvo-stepenih rješenja kantonalnih ministarstava i upravnih organizacija u stvarima iz isključive nadležnosti Kantona.

Član 4.

Vlada uređuje svoj rad, unutrašnju organizaciju, kao i djelokrug i ovlaštenja službi koje obrazuje.

Član 5.

Sjedište Vlade je u Mostaru, a pojedina ministarstva mogu imati sjedište u sjedištima općina koje su u sastavu Kantona, što će se posebno urediti.

II. SASTAV VLADE**Član 6.**

- (1) Vladu čine predsjednik i jedanaest ministara koji rukovode ministarstvima.
- (2) Resorna ministarstva su:
 - a) Ministarstvo unutrašnjih poslova,
 - b) Ministarstvo pravosuđa, uprave i lokalne samouprave,
 - c) Ministarstvo finansija,
 - d) Ministarstvo obrazovanja, nauke, kulture i sporta,

- e) Ministarstvo zdravstva, rada i socijalne zaštite,
- f) Ministarstvo trgovine, turizma i zaštite okoliša,
- g) Ministarstvo saobraćaja i veza,
- h) Ministarstvo privrede,
- i) Ministarstvo poljoprivrede, šumarstva i vodoprivrede,
- j) Ministarstvo građenja i prostornog uređenja,
- k) Ministarstvo za pitanja boraca.

Član 7.

- (1) Kandidata za mjesto predsjednika Vlade imenuje predsjedavajući Skupštine Kantona uz konsultacije sa zamjenicima predsjedavajućeg.
- (2) Kandidat za mjesto predsjednika Vlade predlaže ministre.
- (3) Ministri nemaju zamjenike.
- (4) Vladu Kantona potvrđuje Skupština dvotrećinskom većinom glasova ukupno izabranih poslanika u Skupštini.
- (5) Vlada preuzima dužnost nakon potvrđivanja od strane Skupštine Kantona.
- (6) Ukoliko Skupština ne potvrdi imenovanje Vlade, cijeli postupak se ponavlja.
- (7) Do imenovanja nove Vlade postojeća Vlada nastavlja sa radom.

Član 8.

Vlada preuzima dužnost nakon davanja svečane izjave pred Skupštinom Kantona.

Član 9.

- (1) Vlada ima sekretara kojeg imenuje i razrješava Vlada, na prijedlog predsjednika Vlade, na način i po postupku propisanom Zakonom.
- (2) Sekretar Vlade ne može biti iz istog konstitutivnog naroda kao sekretar Skupštine.
- (3) Sekretar Vlade odgovara za svoj rad Vladi u cjelini i predsjedniku Vlade.

III. PRAVA I DUŽNOSTI PREDSJEDNIKA I ČLANOVA VLADE**Član 10.**

- (1) Predsjednik u okviru svojih nadležnosti rukovodi radom Vlade i odgovoran je za njen rad, osigurava jedinstvo u izvršavanju poslova iz djelokruga Vlade, ostvaruje saradnju s drugim organima i tijelima Kantona i organima Federacije, kao i sa drugim organima i organizacijama, i usmjerava djelovanje Vlade kao cjeline i članova Vlade pojedinačno, te vrši druge poslove utvrđene Ustavom i Zakonom.
- (2) Predsjednik, u okviru svojih ovlasti, može svoje pojedine ovlasti prenijeti na ministre.

Član 11.

- (1) Članovi Vlade mogu pokretati inicijative za donošenje zakona i drugih propisa, predlagati razmatranje i pretresanje pojedinih pitanja iz djelokruga Vlade, kao i predložiti utvrđivanje stajališta Vlade o određenim pitanjima.
- (2) Članovi Vlade obavljaju i druge poslove iz svog djelokruga.

IV. NAČIN RADA VLADE**Član 12.**

- (1) Vlada radi na sjednici.
- (2) Vlada može odlučivati ako je na sjednici prisutno više od polovice članova Vlade.
- (3) Sve odluke Vlade donose se prostom većinom glasova prisutnih koji glasaju.

Član 13.

- (1) Za razmatranje pojedinih pitanja Vlada može osnivati stalna i povremena radna tijela (urede, odbore, komisije).
- (2) Sastav i nadležnost radnih tijela uređuje se Poslovníkom o radu Vlade ili Odlukom o osnivanju.

Član 14.

- (1) Vlada će donijeti Poslovník o svom radu u roku od 30 dana od svog osnivanja.
- (2) Pojedina pitanja koja nisu uređena Poslovníkom Vlada uređuje zaključkom.

Član 15.

- (1) Vlada osigurava javnost svog rada u skladu sa zakonom.
- (2) Uredbe sa zakonskom snagom, uredbe i odluke, objavljuju se u službenom glasilu Kantona, a ostali akti Vlade ako je to u njima navedeno.

V. AKTI VLADE**Član 16.**

- (1) Vlada u ostvarivanju svojih ovlaštenja donosi uredbe sa zakonskom snagom, uredbe, odluke, rješenja i zaključke.
- (2) Vlada donosi uredbe sa zakonskom snagom u skladu sa Ustavom Kantona.

Član 17.

- (1) Uredbom se uređuju najvažnija pitanja iz nadležnosti Vlade, bliže uređuju odnosi za provođenje zakona, osnivaju stručne i druge službe Vlade i utvrđuju načela za unutrašnju organizaciju kantonalnih organa državne službe.
- (2) Odlukom se uređuju pojedina pitanja ili propisuju mjere Vlade, daje saglasnost ili potvrđuju akti

drugih organa ili organizacija, te odlučuje o drugim pitanjima o kojima se ne odlučuje uredbom.

- (3) Rješenjem se odlučuje o imenovanjima i razrješenjima, kao i drugim pojedinačnim pitanjima iz nadležnosti Vlade.
- (4) Zaključkom se utvrđuju stajališta o pitanjima značajnim za provođenje utvrđene politike, uređuju unutrašnji odnosi u Vladi i određuju zadaci kantonalnim organima državne službe i službama Vlade.

Član 18.

Prilikom donošenja, svi akti Vlade iz člana 16. i 17. ovog Zakona u svom uvodu moraju sadržavati i odredbe materijalnog propisa na osnovu kojeg se donose.

VI. STRUČNE I DRUGE SLUŽBE VLADE

Član 19.

Stručne i druge službe Vlade obavljaju stručne, tehničke i druge poslove za Vladu.

Član 20.

- (1) Sekretar Vlade usklađuje rad svih stručnih službi u obavljanju poslova za potrebe Vlade i odgovoran je za njihov rad.
- (2) Sekretar Vlade donosi Pravilnik o unutrašnjoj organizaciji Stručne službe Vlade, uz prethodnu saglasnost Vlade.

VII. ZAVRŠNE ODREDBE

Član 21.

Danom stupanja na snagu ovog Zakona prestaju važiti odredbe Zakona o Vladi Hercegovačko-neretvanskog kantona („Službene novine HNK“, broj: 2/98) i Zakona o izmjenama i dopunama Zakona o Vladi Hercegovačko-neretvanskog kantona („Službene novine HNK“, broj: 3/01).

Član 22.

Ovaj Zakon stupa na snagu danom objave u „Službenim novinama Hercegovačko-neretvanskog kantona“.

Bosna i Hercegovina
 Federacija Bosne i Hercegovine
 Hercegovačko-neretvanski kanton
SKUPŠTINA

Broj: 02-01-III-064/07
 Mostar, 27. aprila 2007. godine

Po ovlaštenju Skupštine
 Predsjedavajući/zamjenik predsjedavajućeg
 Ljubo Zovko, dipl.iur. s.r.

53

Na osnovu Amandmana 79. na Ustav Federacije BiH („Službene novine Federacije BiH br. 52/02) i člana 39. Ustava Hercegovačko-neretvanskog kantona („Službene novine Hercegovačko-neretvanskog kantona“, broj 2/98), te člana 10. Poslovnika o radu Skupštine Hercegovačko-neretvanskog kantona („Službene novine Hercegovačko-neretvanskog kantona“, broj 2/05), Skupština Hercegovačko-neretvanskog kantona na sjednici održanoj dana 26. aprila 2007. godine donijela je

ODLUKU

O IZBORU PREDSEDAVAJUĆEG ILI ZAMJENIKA PREDSEDAVAJUĆEG SKUPŠTINE HERCEGOVAČKO-NERETVANSKOG KANTONA

Član 1.

Za predsjedavajućeg ili zamjenika predsjedavajućeg Skupštine Hercegovačko-neretvanskog kantona izabrani su:

1. Ramiz Jelovac
2. Snježana Milavić
3. Ljubo Zovko

Član 2.

Izabrana lica iz člana 1. ove Odluke odlučuju između sebe ko će biti predsjedavajući.

Član 3.

Ova Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
 Federacija Bosne i Hercegovine
 Hercegovačko-neretvanski kanton
SKUPŠTINA

Broj: 02-01-III-074/07
 Mostar, 26. aprila 2007. godine

Predsjedavajući
 Omer Čevra, s.r.